



Pou Piblikasyon Imedya: 28/02/2023

GOUVÈNÈ KATHY HOCHUL

## GOUVÈNÈ HOCHUL NONMEN ROBERT MEGNA KÒM DIREKTÈ BIDJÈ

Gouvènè Kathy Hochul te anonse jodi a nominasyon Robert Megna kòm Direktè Bidjè Eta New York. Mesye Megna ap kòmanse touswit epi li konte sèvi nan sesyon lejislatif sa a ak ede avèk rechèch pou yon Direktè Bidjè alontèm anvan li retounen nan SUNY, kote l ap sèvi kòm Prezidan Enstiti Rockefeller Gouvènman (Rockefeller Institute of Government) ak Konseye Prensipal pou Rektè a.

"Bob pote yon bann eksperyans ak konesans li akeri nan karyè plizyè deseni li nan gouvènman Eta New York epi mwen rekonesan pou angajman li nan sèvis publik ak lidèchip li pandan moman enpòtan sa a", **Gouvènè Hochul te deklare**. "Li obligatwa pou nou kontinye fè New York vin pi sekirité, pi abòdab ak pi vivab epi mwen konnen ekspètiz Bob pral ede nou fè avanse priyorté esansyèl sa yo. Mwen rekonesan anpil pou travay Direktè Bidjè Enterimè a, Sandra Beattie, ki te fè yon ekselan travay nan prepare pwopozisyon bidjè egzekitif la ak tout ekip ki te travay di nan Divizyon Bidjè a".

Pandan manda presedan Mesye Megna a kòm Direktè Bidjè soti 2009 rive 2015, Eta a te atenn pi gwo evalyasyon finansye li nan 40 ane ke twa gwo ajans evalyasyon kredi te reyalize.

Li te rejwenn SUNY an 2017, toudabò kòm Vis Rektè Prensipal ak Direktè Operasyon. Anvan sa, li te sèvi kòm Vis Prezidan Prensipal pou Finans ak Administrasyon nan Inivèsite Stony Brook. Anvan li te antre nan Stony Brook, li te sèvi kòm Direktè Egzekitif Otorite Thruway nan Eta New York. Li te sèvi tou kòm Komisè Fiskalite ak Finans, Direktè Inite Resèt ak Ekonomi nan Divizyon Bidjè, Komisè Asistan Biwo sou Règleman Fiskal nan Depatman Fiskalite Virginia, Direktè Etid Fiskal nan Depatman Fiskalite ak Finans ak Direktè Adjwen Etid Fiskal yo nan Komite Metòd ak Mwaven yo. Li te prezide Konsèy Restriktirasyon Finansye a, Asosyasyon Kous New York la ak Konsèy Kontwòl Otorite Publik yo.

Mesye Megna te resevwa yon metriz (M.S.) nan ekonomi nan Lekòl Syans Ekonomik ak Politik London (London School of Economic and Political Science) nan Inivèsite London epi te resevwa lisans nan ekonomi ak M.P.A. nan Inivèsite Fordham.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)